

而去

悲華經卷第十

十七

食十

咄丁骨反肉搏正作撻下端反蚊下或作虫虻莫庚反蠅陵余食羨上陵反羨亦羨之類也羨能庚反羨羨上羨尺

大唐龍興三藏聖教序

中宗皇帝製

場一

蓋聞蒼蒼者天列星辰而著象茫茫者地奠  
川岳以成形仰觀天文既如彼也俯循地理  
又若斯焉夫以妙旨幽微名言之路攸絕真  
如湛寂性相之義都捐然則發啓心聲資法  
雷之激響獎導迷衆俟覺首以司方故知假  
名不壞於常名樂說乃詮於無說至若象外  
之象獨稱三界之尊天中之天爰著六通之  
聖法王見利孕育於七十二君梵帝乘時牢  
籠於萬八千歲周星闕彩言符降誕之徵漢  
日流祥載叶通神之夢故能威揚沙劫化被  
塵區玉臺舒耀而除昏金口弘宣而遣滯破  
煩惱之賊詎藉干戈壞生死之軍惟憑慧力  
闢圓明之界廣納於無邊開常樂之門普該  
於有識縱使浮天欲浪境風息而俄澄漲日  
情塵法雨霑而便廓歸依者銷殃而致福迴  
向者去危而獲安可謂巍巍乎其有成功蕩

蕩乎而無能名者矣但四生蠢蠢未悟無常  
六趣悠悠俱纏有結詎知空華不實水月非  
堅馳逐於五陰之中播遷於三界之域納諸  
品彙終俟法門自白馬西來玄言東被

世尊則隨類敷演衆生乃逐性開迷馬鳴擅  
美於瓊編龍樹騰芳於寶偈於是遙通震旦

遠布闇浮半滿之教區分大小之乘並驚澄  
安俊德接武於勝場琳遠高人駢蹤於法宇  
遂使微言著範歷千古而暢英聲至赜流規  
周十方而騰茂實頃屬後周膺運大扇魔風  
遂使天下招提咸從毀廢寰中法侶並混編  
眇乎闡寂禪居空留宴坐之處荒涼慧苑

無復經行之蹤爰洎開皇重將修建旋逢大  
業又遇分崩鬼哭神吟山鳴海沸既遭塗炭  
寧有伽藍正法消淪邪見增長於是人迷覺  
路遑迴於苦集之區俗蔽真宗羈絆於蓋纏  
之內

我大唐之有天下也上凌巢燧俯視羲軒三  
洛之年志尋西國業該經史學洞古今揔三  
藏之玄樞明一乘之奧義既而閑居習靜息  
慮安禪托彼山林遠茲塵累三十有七方遂  
雅懷以咸亨二年行至廣府發蹤結契數乃  
十人鼓棹昇航唯存一已巡南溟以遐逝指

聖重光萬邦一統威加有截澤被無垠掩坤  
絡以還淳亘乾維而獻欵再懸佛日重補梵  
天龍宮將八柱齊安鷲嶺共五峯爭峻大弘  
釋教諒屬皇朝者焉大福先寺翻經三藏法  
師義淨者范陽人也俗姓張氏五代相韓之  
後三台仕晉之前朱紫分輝貂蟬合彩高祖  
場一爲東齊郡守仁風逐扇甘雨隨車化闡六條  
政行十部爰祖及父俱猷俗榮放曠一丘逍  
遙三徑含和體素養性恬神摘芝秀於東山  
挹清流於南澗可謂尋幽丹嶠棲偃白雲臯  
鶴於是吞聲場駒以之繫影法師幼挺明晤  
夙彰聰敏纔踰踰辯李之歲心樂出家甫過遊

漸屆天竺次至王城

佛說法華靈峯尚在如來成道聖躅仍留吠舍城中獻蓋之跡不泯給孤園內布金之地猶存三道寶階居然目覩八大靈塔邈矣親觀所經三十餘國凡歷二十餘載菩提樹下屢攀折以淹留阿耨池邊幾濯纓而澡鑒法

師慈悲作室忍辱爲衣長齋則一食自資長坐則六時無倦又古來翻譯之者莫不先出梵文後資漢譯撫詞方憑於學者鉉義別稟於僧徒今茲法師不如是矣既闇五天竺語又詳二諦幽宗譯義繕文咸由於已出指詞定理匪假於傍求超漢代之摩騰跨秦年之

場一

三

羅什所將梵本經僅四百部合五十萬頌金剛座真容一鋪舍利三百粒以證聖元年夏五月方屆都焉

則天大聖皇帝出震膺期乘乾握紀紹隆爲務弘濟爲心爰命百寮兼整四衆虹旛擣日

鳳吹遏雲香散六銖華飄五色鏘鏘濟濟輝

煌煌迎于上東之門置于授記之寺共于聞三藏及大福先寺寺主沙門復禮西崇福寺主法藏等翻華嚴經後至大福先寺與天竺三藏寶思末多及授記寺主慧表沙門勝莊慈訓等譯根本部律其大德等莫不四禪凝慮六度冥懷懸法鏡於心臺朗戒珠於性

海詞林挺秀將覺樹而聯芳慧炬揚輝澄桂輪而合影渾金璞玉諒屬其人誠梵宇之棟梁寔法門之龍象已翻諸雜經律二百餘卷繕寫云畢尋並進內其餘戒律諸論方俟後詮五篇之教具明八法之因備曉鵠珠尚護蟲命無傷浮囊必取於不虧油鉢終期於靡

金光明最勝王經卷第一

場一

唐三藏法師義淨奉制譯

序品第一

如是我聞一時薄伽梵在王舍城鷲峯山頂於最清淨甚深法界諸佛之境如來所居與大苾芻衆九萬八千人皆是阿羅漢能善調

伏如大象王諸漏已除無復煩惱心善解脫慧善解脫所作已畢捨諸重擔逮得已利盡諸有結得自在住清淨戒善巧方便智慧莊嚴證八解脫已到彼岸其名曰具壽阿若憍陳如具壽阿說侍多具壽婆濕波具壽摩訶那具壽婆帝利迦大迦葉波優樓頻螺迦

四

葉伽耶迦葉那提迦葉舍利子大目乾連唯阿難陀住於學地如是等諸大聲聞各於晡時從定而起往詣佛所頂禮佛足右繞三匝退坐一面復有菩薩摩訶薩百千萬億人俱有大威德如大龍王名稱普聞衆所知識施戒清淨常

菩薩常精進菩薩不休息菩薩慈氏菩薩妙吉祥菩薩觀自在菩薩摠持自在王菩薩大辯莊嚴王菩薩妙高山王菩薩大海深王菩薩寶幢菩薩大寶幢菩薩地藏菩薩虛空藏菩薩寶手自在菩薩金剛手菩薩歡喜力菩薩大法力菩薩大莊嚴光菩薩大金光莊嚴

場一

五

樂奉持忍行精勤經無量劫超諸靜慮繫念現前開闡慧門善修方便自在遊戲微妙神通逮得摠持辯才無盡斷諸煩惱累染皆云不凡當成一切種智降魔軍衆而擊法鼓制諸外道令起淨心轉妙法輪度人天衆十方佛土悉已莊嚴六趣有情無不蒙益成就大

智具足大忍住大慈悲心有大堅固力歷事諸佛不般涅槃發弘誓心盡未來際廣於佛所深種淨因於三世法悟無生忍逾於二乘所行境界以大善巧化世間於大師教能敷演秘密之法甚深空性皆已了知無復疑惑其名曰無障礙轉法輪菩薩常發心轉法輪

菩薩淨戒菩薩常定菩薩極清淨慧菩薩堅固精進菩薩心如虛空菩薩不斷大願菩薩施藥菩薩療諸煩惱病菩薩醫王菩薩歡喜高王菩薩得上授記菩薩大雲淨光菩薩大雲持法菩薩大雲名稱喜樂菩薩大雲現無邊稱菩薩大雲師子吼菩薩大雲牛王吼菩薩大雲吉祥菩薩大雲寶德菩薩大雲日藏菩薩大雲月藏菩薩大雲星光菩薩大雲火光菩薩大雲電光菩薩大雲雷音菩薩大雲慧雨充遍菩薩大雲清淨兩王菩薩大雲華樹王菩薩大雲青蓮華香菩薩大雲寶栴檀香清涼身菩薩大雲除閻菩薩大雲破翳菩薩如是等無量大菩薩衆各於晡時從定而起往詣佛所頂禮佛足右繞三匝退坐一面復有梨車毗童子五億八千其名曰師子光童子師子慧童子法授童子因陀羅授童子大光童子大猛童子佛護童子法護童子僧護童子金剛護童子虛空護童子虛空吼童

子寶藏童子吉祥妙藏童子如是等人而爲上首悉皆安住無上菩提於大乘中深信歡喜各於晡時往詣佛所頂禮佛足右繞三匝退坐一面復有四萬二千天子其名曰喜見天子喜悅天子日光天子月髻天子明慧天子虛空淨慧天子除煩惱天子吉祥天子如是等天子而爲上首皆發弘願護持大乘紹隆正法能使不絕各於晡時往詣佛所頂禮佛足右繞三匝退坐一面復有二萬八千龍王蓮華龍王警羅葉龍王大力龍王大吼龍王小波龍王持駛水龍王金面龍王如意龍王如是等龍王而爲上首於大乘法常樂受持發深信心稱揚擁護各於晡時往詣佛所頂禮佛足右繞三匝退坐一面復有三萬六千諸藥叉衆毗沙門天王而爲上首其名曰菴婆藥叉持菴婆藥叉蓮華光藏藥叉蓮華面藥叉顰眉藥叉現大怖藥叉動地藥叉吞食藥叉是等藥叉悉皆愛樂如來正法深心

場一

六

護持不生疲懈各於晡時往詣佛所頂禮佛足右繞三匝退坐一面復有四萬九千揭路茶王香象勢力王而爲上首及餘健闡婆阿蘇羅緊那羅莫呼洛伽等山林河海一切神仙并諸大國所有王衆中宮后妃淨信男女天大衆悉皆雲集咸願擁護無上大乘讀誦受持書寫流布各於晡時往詣佛所頂禮佛足右繞三匝退坐一面如是等聲聞菩薩人天大衆龍神八部既雲集已各各至心合掌恭敬瞻仰尊容目未曾捨願樂欲聞殊勝妙法爾時薄伽梵於日晡時從定而起觀察大衆而說頌曰

金光明妙法 最勝諸經王 甚深難得聞  
諸佛之境界 我當爲大衆 宣說如是經  
并四方四佛 威神共加護 東方阿閻尊  
南方寶相佛 西方無量壽 北方天鼓音  
我復演妙法 吉祥懺中勝 能滅一切罪  
淨除諸惡業 及消衆苦患 常與無量樂

一切智根本 諸功德莊嚴 衆生身不具壽命將損減 諸惡相現前 天神皆捨離  
親友懷瞋恨 舍屬悉分離 彼此共乖違  
珍財皆散失 惡星爲變怪 或被邪蠱侵  
若復多憂愁 衆苦之所逼 睡眠見惡夢  
因此生煩惱 是人當澡浴 應著鮮潔衣  
場一

七

於此妙經王 讀誦聽受持 甚深佛所讚 專注心無亂  
及餘衆苦難 由此經威力 能離諸災橫  
及大臣眷屬 無不皆除滅 護世四王衆  
大辯才天女 一心皆擁衛 一皆擁衛  
堅牢地神衆 尼連河水神 謂利底母神  
及金翅鳥王 阿蘇羅天衆 如是天神等  
并將其眷屬 皆來護是人 畫夜常不離  
我當說是經 甚深佛行處 諸佛秘密教  
千萬劫難逢 若有聞是經 能爲他演說  
若心生隨喜 或設於供養 如是諸人等  
當於無量劫 常爲諸天人 龍神所恭敬

此福聚無量 數過於恒沙 讀誦是經者  
當獲斯功德 亦爲十方尊 深行諸菩薩  
擁護持經者 令離諸苦難 供養是經者  
如前澡浴身 飲食及香華 恒起慈悲意  
若欲聽是經 令心淨無垢 常生歡喜念  
能長諸功德 若以尊重心 聽聞是經者

若生於人趣 遠離諸苦難 彼人善根熟  
諸佛之所讚 方得聞是經 及以懺悔法

金光明最勝王經如來壽量品第二

爾時王舍大城有一菩薩摩訶薩名曰妙幢  
已於過去無量俱胝那庾多百千佛所承事  
供養諸善根是時妙幢菩薩獨於靜處作  
是思惟以何因緣釋迦牟尼如來壽命短促  
唯八十年復作是念如佛所說有二因緣得  
壽命長云何爲二者不害生命二者施他  
飲食然釋迦牟尼如來曾於無量百千萬億  
無數大劫不害生命行十善道常以飲食惠  
施一切飢餓衆生乃至己身血肉骨髓亦持

施與令得飽滿況餘飲食時彼菩薩於世尊  
所作是念時以佛威力其室忽然廣博嚴淨  
帝青琉璃種種衆寶雜彩間飾如佛淨土有  
妙香氣過諸天香芬馥充滿於其四面各有  
上妙師子之座四寶所成以天寶衣而敷其  
上復於此座有妙蓮華種種珍寶以爲嚴飾

場一

八

量等如來自然顯現於蓮華上有四如來東  
方不動南方寶相西無量壽北天鼓音是四  
如來各於其座加趺而坐放大光明周徧照  
曜王舍大城及此三千大千世界乃至十方  
恒河沙等諸佛國土雨諸天華奏諸天樂爾  
時於此瞻部洲中及三千大千世界所有衆  
生以佛威力受勝妙樂無有乏少若身不具  
皆蒙具足盲者能視聾者能聞瘡者能言愚  
者得智若心亂者得本心若無衣者得衣服  
被惡賤者人所敬有垢穢者身清潔於此世  
間所有利益未曾有事悉皆顯現爾時妙幢  
菩薩見四如來及希有事歡喜踊躍合掌一

心瞻仰諸佛殊勝之相亦復思惟釋迦牟尼如來無量功德唯於壽命生疑惑心云何如來功德無量壽命短促唯八十年爾時四佛告妙幢菩薩言善男子汝今不應思忖如來壽命長短何以故善男子我等不見諸天出間梵魔沙門婆羅門等人及非人有能筭知

佛之壽量知其齊限唯除無上正徧知者時四如來欲說釋迦牟尼佛所有壽量以佛威力欲色界天諸龍鬼神健闡婆阿蘇羅揭路荼緊那羅莫呼洛伽及無量百千億那庾多菩薩摩訶薩悉來集會入妙幢菩薩淨妙室中爾時四佛於大衆中欲顯釋迦牟尼如來

場一

九

所有壽量而說頌曰

一切諸海水 可知其滴數 無有能數知  
釋迦之壽量 析諸妙高山 如芥可知數  
無有能數知 釋迦之壽量 一切大地土  
可知其塵數 無有能筭知 釋迦之壽量  
假使量虛空 可得盡邊際 無有能度知

釋迦之壽量 若人住億劫 盡力常筭數亦復不能知 壯尊之壽量 不害衆生命及施於飲食 由斯二種因 得壽命長遠是故大覺尊 壽命難知數 如劫無邊際壽量亦如是 妙幢汝當知 不應起疑惑最勝壽無量 莫能知數者

爾時妙幢菩薩聞四如來說釋迦牟尼佛壽量無限白言壯尊云何如來示現如是短促壽量時四世尊告妙幢菩薩言善男子彼釋迦牟尼佛於五濁世出現之時人壽百年稟性下劣善根微薄復無信解此諸衆生多有我見人見衆生壽者養育邪見我我所見斷常見等爲欲利益此諸異生及衆外道如是等類今生正解速得成就無上菩提是故釋迦牟尼如來示現如是短促壽命善男子然彼如來欲令衆生見涅槃已生難遭想憂苦等想於佛世尊所說經教速當受持讀誦通利爲人解說不生謗毀是故如來現斯短壽

常見等爲欲利益此諸異生及衆外道如是等類今生正解速得成就無上菩提是故釋迦牟尼如來示現如是短促壽命善男子然彼如來欲令衆生見涅槃已生難遭想憂苦等想於佛世尊所說經教速當受持讀誦通利爲人解說不生謗毀是故如來現斯短壽

何以故彼諸衆生若見如來不般涅槃不生恭敬難遭之想如來所說甚深經典亦不受持讀誦通利爲人宣說所以者何以常見佛不尊重故善男子譬如有見其父母多有財產珍寶豐盈便於財物不生希有難遭之想所以者何於父財物生常想故善男子彼

諸衆生亦復如是若見如來不入涅槃不生希有難遭之想所以者何由常見故善男子譬如有見其父母貧窮資財乏少然彼貧人或詣王家或大臣舍見其倉庫種種珍財悉皆盈滿生希有心難遭之想時彼貧人爲欲求財廣設方便策勤無怠所以者何爲捨貧窮  
場一 +

受安樂故善男子彼諸衆生亦復如是若見如來入於涅槃生難遭想乃至憂苦等想箇作是念於無量劫諸佛如來出現於世如烏曇跋華時乃一現彼諸衆生發希有心起難遭想若遇如來心生敬信聞說正法生實語想所有經典悉皆受持不生毀謗善男子以

是因緣彼佛世尊不久住世速入涅槃善男子是諸如來以如是等善巧方便成就衆生爾時四佛說是語已忽然不現

爾時妙幢善薩摩訶薩與無量百千菩薩及無量億那庾多百千衆生俱共往詣鷲峯山中釋迦牟尼如來正徧知所頂禮佛足在一

面立時妙幢善薩以如上事具白世尊時四如來亦詣鷲峯至釋迦牟尼佛所各隨本方就座而坐告侍者菩薩言善男子汝今可詣釋迦牟尼佛所爲我致問少病少惱起居輕利安樂行不復作是言善哉善哉釋迦牟尼如來今可演說金光明經甚深法要爲欲饒益一切衆生除去饑餓今得安樂我當隨喜時彼侍者各詣釋迦牟尼佛所頂禮雙足却住一面俱白佛言彼天人師致問無量少病少惱起居輕利安樂行不復作是言善哉善哉釋迦牟尼如來今可演說金光明經甚深法要爲欲利益一切衆生除去饑餓今得安  
場一 +

樂爾時釋迦牟尼如來應正等覺告彼侍者諸菩薩言善哉善哉彼四如來乃能爲諸衆生饒益安樂勸請於我宣揚正法爾時世尊而說頌曰

我常在鵞山 宣說此經寶 成就衆生故示現般涅槃 凡夫起邪見 不信我所說爲成就彼故 示現般涅槃

時大會中有婆羅門姓橋陳如名曰法師授記與無量百千婆羅門衆供養佛已聞世尊說入般涅槃涕淚交流前禮佛足白言世尊若實如來於諸衆生有大慈悲憐愍利益令得安樂猶如父母餘無等者能與世間作歸依處如淨滿月以大智慧能爲照明如日初出普觀衆生愛無偏黨如羅怙羅惟願世尊施我一願爾時世尊默然而止佛威力故於

此衆中有梨車毗童子名一切衆生喜見語婆羅門憍陳如言大婆羅門汝今從佛欲乞何願我能與汝婆羅門言童子我欲供養無

上世尊今從如來求請舍利如芥子許何以故我曾聞說若善男子善女人得佛舍利如芥子許恭敬供養是人當生三十三天而爲帝釋是時童子語婆羅門曰若欲願生三天受勝報者應當至心聽是金光明最勝王經於諸經中最爲殊勝難解難入聲聞獨覺所不能知此經能生無量無邊福德果報乃至成辦無上菩提我今爲汝略說其事婆羅門言善哉童子此金光明甚深最上難解難入聲聞獨覺尚不能知何況我等邊鄙之人智慧微淺而能解了是故我今求佛舍利如芥子許持還本處置寶函中恭敬供養命

終之後得爲帝釋常受安樂云何汝今不能爲我從明行足求斯一願作是語已爾時童子即爲婆羅門而說頌曰

恒河駛流水 可生白蓮華 黃鳥作白形黑鳥變爲赤 假使瞻部樹 可生多羅果  
竭樹羅枝中 能出菴羅葉 斯等希有物

或容可轉變 世尊之舍利 畢竟不可得  
假使用龜毛 織成上妙服 寒時可披著  
方求佛舍利 假使蚊蚋足 可使成樓觀  
堅固不搖動 方求佛舍利 假使水蛭蟲  
口中生白齒 長大利如鋒 方求佛舍利  
假使持兔角 用成於梯磴 可昇上天宮

方求佛舍利 鼠緣此梯上 除去阿蘇羅  
能障空中月 方求佛舍利 若蠅飲酒醉  
周行村邑中 廣造於舍宅 方求佛舍利  
若使驢脣色 赤如頻婆果 善作於歌舞  
方求佛舍利 烏與鵠鷀鳥 同共一處遊  
彼此相順從 方求佛舍利 假使波羅葉  
可成於傘蓋 能遮於大雨 方求佛舍利  
假使大船舶 盛滿諸財寶 能令陸地行  
方求佛舍利 假使鷦鷯鳥 以觜銜香山  
隨處任遊行 方求佛舍利

爾時法師授記婆羅門聞此頌已亦以伽他  
答一切衆生喜見童子曰

善哉大童子 此衆中吉祥 善巧方便心  
得佛無上記 如來大威德 能救護世間  
仁可至心聽 我今次第說 諸佛境難思  
世間無與等 法身性常住 修行無差別  
諸佛體皆同 所說法亦爾 諸佛無作者  
亦復本無生 世尊金剛體 權現於化身  
場一 善作於歌舞 無如芥子許 佛非血肉身  
法身是正覺 方便留身骨 爲益諸衆生  
亦說如是法 法界即如來 此是佛真身

爾時會中三萬二千天子聞說如來壽命長  
遠皆發阿耨多羅三藐三菩提心歡喜踊躍  
得未曾有異口同音而說頌曰

佛不般涅槃 正法亦不滅 為利衆生故  
示現有滅盡 世尊不可思議 妙體無異相  
爲利衆生故 現種種莊嚴

爾時妙幢菩薩親於佛前及四如來并二大  
士諸天子所聞說釋迦牟尼如來壽量事已

復從座起合掌恭敬白佛言世尊若實如是諸佛如來不般涅槃無舍利者云何經中說有涅槃及佛舍利令諸人天恭敬供養過去諸佛現有身骨流布於世人天供養得福無邊今復言無致生疑惑惟願世尊哀愍我等廣為分別

爾時佛告妙幢菩薩及諸大眾汝等當知云般涅槃有舍利者是密意說如是之義當一心聽善男子菩薩摩訶薩如是應知有其十法能解如來應正等覺真實理趣說有究竟大般涅槃云何為十一者諸佛如來究竟斷盡諸煩惱障所知障故名為涅槃二者諸佛如來善能解了有情無性及法無性故名為涅槃三者能轉身依及法依故名為涅槃四者於諸有情任運休息化因緣故名為涅槃五者證得真實無差別相平等法身故名為涅槃六者了知生死及以涅槃無二性故名為涅槃七者於一切法了其根本證清淨故

名為涅槃八者於一切法無生無滅著修行故名為涅槃九者真如法界實際平等得正智故名為涅槃十者於諸法性及涅槃性得無差別故名為涅槃是謂十法說有涅槃復次善男子菩薩摩訶薩如是應知復有十法能解如來應正等覺真實理趣說有究竟大般涅槃云何為十一者一切煩惱以樂欲爲本從樂欲生諸佛世尊斷樂欲故名為涅槃二者以諸如來斷諸樂欲不取一法以不取故無去無來無所取故名為涅槃三者以無去來及無所取是則法身不生不滅無生滅故名為涅槃四者此無生滅非言所宣言語

場

十四

斷故名為涅槃五者無有我人唯法生滅得轉依故名為涅槃六者煩惱隨惑皆是客塵法性是主無來無去佛了知故名為涅槃七者真如是實餘皆虛妄實性體者即是真如真如性者即是如來名為涅槃八者實際之性無有戲論唯獨如來證實際法戲論永斷

名爲涅槃九者無生是實生是虛妄愚癡之人漂溺生死如來體實無有虛妄名爲涅槃十者不實之法是從緣生真實之法不從緣起如來法身體是真實名爲涅槃善男子謂十法說有涅槃

複次善男子菩薩摩訶薩如是應知復有十

法能解如來應正等覺真實理趣說有究竟大般涅槃云何爲十一者如來善知施及施果無我我所此施及果不正分別永除滅故名爲涅槃二者如來善知戒及戒果無我我所此戒及果不正分別永除滅故名爲涅槃三者如來善知忍及忍果無我我所此忍及

場一

十五

數量故名爲涅槃十者如來了知有情及法體性皆空離空非有空性即是真法身故名爲涅槃善男子是謂十法說有涅槃

複次善男子豈唯如來不般涅槃是爲希有復有十種希有之法是如來行云何爲十一者生死過失涅槃寂靜由於生死及以涅槃證平等故不處流轉不住涅槃於諸有情不生厭背是如來行二者佛於衆生不作是念別永除滅故名爲涅槃五者如來善知定及定果無我我所此定及果不正分別永除滅故名爲涅槃六者如來善知慧及慧果無我我所此慧及果不正分別永除滅故名爲涅槃七者諸佛如來善能了知一切有情非有情一切諸法皆無性不正分別永除滅故名爲涅槃八者若自愛者便起追求由追求故受衆苦惱諸佛如來除自愛故永絕追求無追求故名爲涅槃九者有爲之法皆有數量無爲法者數量皆除佛離有爲證無爲法無

度示教利喜盡未來際無有窮盡是如來行

三者佛無是念我今演說十二分教利益有情然由往昔慈善根力於彼有情廣說乃至盡未來際無有窮盡是如來行四者佛無是念我今往彼城邑聚落王及大臣婆羅門刹帝利薛舍成達羅等舍從其乞食然由往昔身語意行慣習力故任運詣彼爲利益事而

行乞食是如來行五者如來之身無有飢渴亦無便利羸憊之相雖行乞取而無所食亦無分別然爲任運利益有情示有食相是如來行六者佛無是念此諸衆生有上中下隨彼機性而爲說法然佛世尊無有分別隨其器量善應機緣爲彼說法是如來行七者佛

場

一

十六

無是念此類有情不恭敬我常於我所出詞罵言不能與彼共爲言論彼類有情恭敬於我常於我所共相讚歎我當與彼共爲言說然而如來起慈悲心平等無二是如來行八者諸佛如來無有愛憎憍慢貪惜及諸煩惱然而如來常樂寂靜讚歎少欲離諸誼閑是

如來行九者如來無有一法不知不善通達於一切處鏡智現前無有分別然而如來見彼有情所作事業隨彼意轉方便誘引令得出離是如來行十者如來若見一分有情得富盛時不生歡喜見其衰損不起憂慮然而如來見彼有情修習正行無礙大慈自然救攝若見有情修習邪行無礙大悲自然救攝是如來行善男子如是當知如來應正等覺說有如是無邊正行汝等當知是謂涅槃真實之相或時見有般涅槃者是權方便及留舍利令諸有情恭敬供養皆是如來慈善根力若供養者於未來世遠離八難逢值諸佛遇善知識不失善心福報無邊遠當出離不爲生死之所纏縛如是妙行汝等勤修勿爲放逸爾時妙幢菩薩聞佛親說不般涅槃及甚深行合掌恭敬白言我今始知如來大師不般涅槃及留舍利普益衆生身心踊悅歎未曾有說是如來壽量品時無量無數無邊

衆生皆發無等等阿耨多羅三藐三菩提心時四如來忽然不現妙幢菩薩禮佛足已從座而起還其本處

金光明最勝王經卷第

十一

8

休留舶音二字留船上音成鷓鴣二字音焦秦漂溺下上反貯貯一名称巧婦子漂溺  
感倉歷反也上反垂眉搖頭反薛蒲閉成達上詩達反智達古聿憒憒也清拜詈反智詭開上足表反誘也  
否音反也上反垂眉搖頭反垂眉搖頭反也

金光明最勝王經卷第二

唐三藏法師義淨奉

場二

分別三身品第三  
爾時虛空藏菩薩摩訶薩在大衆中從座而起偏袒右肩右膝著地合掌恭敬頂禮佛足以上微妙金寶之華寶幢旛蓋而爲供養白  
一  
佛言世尊云何菩薩摩訶薩於諸如來甚深秘密如法修行

佛言善男子諦聽諦聽善思念之吾當爲汝分別解說善男子一切如來有三種身云何爲三一者化身二者應身三者法身如是三身具足攝受阿耨多羅三藐三菩提若正了

碛砂大藏經